

Euskal autore klasikoek antolotzia bat argitaratzeaz izan da gero berriketa. San Martin-ek zenbait gauza esan ditu ontaz eta solasaldi luze baten ondoren batzorde bat izendatu da osa dezan aipatu dan lana. Au da: San Martin, buru, Villasante, Lafitte, Eppherre, Irigaray, Arrue, Altuna eta Etxenagusia.

San Martin-ek dionez berriz argitaratzeko bidean omen daude Sebero Altube-ren «La vida del Euskera» eta «Erderismos». Esan da nola azkenengo au Altube-k puntu batzuetan aldatzeko gogoa zuen, bizi zanean adierazi zuenez. Baiña nola ezer etzuen utzi egiñik —orrela uste da beintzat— dagoen moduan argitaratu bearko da itzaurrean aderaziaz bere gogo ori.

Julene Azpeitia-k aurrentzat egindako liburua galdurik omen dabil.

Oi dan otoiitez asi eta bukatu da batzarrea.

*Euskaltzainburuordea*

L. DASSANCE

*Idazlariordea*

ALFONSO IRIGOYEN

Donostian, Diputazioan, 1966 ilbeltzaren 28-an.

Bildu dira: Dassance, buru, San Martin, Lafitte, Irigaray, Lekuona, Villasante, Zavala, Satrustegi, Haritschelhar, Larzabal, Arrue eta Irigoien euskaltzainak. Etxaniz, Aita Emiliano Barandiaran, Arregi, Oregi, Olaizola, Lasa, Zatarain, Oleaga, Zugasti, Basterretxea, Aita Juan Goikoetxea jesuita, Altuna, Goenaga, Garmendia eta Barriola laguntzailleak.

Barandiaran, Labayen, Lojendio eta Anai Berriotxoak ezin etorria adierazi dute. Dassance-ren itzakian asi da batzarrea.

Joan dan batzarreko agiria irakurri eta ontzat artu da.

Gipuzkoako Diputazioaren ofizioak irakurri dira. Erosi zituzten *Gero* aleen dirua, ogetabost milla pezeta, kobratu da.

«Sociedad Bilbaina»-ko Bibliotekatik karta bat artu da, oraintsu argitaratu berri dan liburu bat, «Catálogo de la Sección Vascongada», ere batera datorrela. Eskerrak eman bekizkie.

Agustin Zubikaray-ren karta bat irakurri da. Gabon inguruan Bilbon egin dan azken jaia dala-ta dio aurrerantzean obe izango litzakeala aurrak ere ikus ditzatekenak prestatzea, bestelakoak beste egun batzuetarako utzirik.

Bilbon, aipatu dan jai ortaz gainera, euskal esamienetan parte artu zuten aurrak sari partitza egin zitzairen Jesuiten kolejoan Errege egun bezperan.

Rudolf P. G. de Rijk-ek idatzi digu eskerrak emanik egin diogun izendapenagatik.

Xabier Gereño-k idatzi du eta bide batez Bilboko «Radio Popular»-ean irakurri duten giori bat bialtzen du. Dio nola eskatzen duten Euskaltzaindia indartu bear litzakeala eta beragandik artu nola idatzi ta itz egin jakiteko legeak, guztiak bete ditzaten. Irigaray-k dio Iruñean ere esan diotela berari eta plan bat egin bear litzakeala. Oraingoz, autore zaharren antolojia prestatzen ari diranak ekarri lezakete zerbeit ortaz.

Batzordeak nola izan bear duten osatuak aipatu da, arautegia berritzeko idatzi ziran oiñarriak kontuan izanik.

Anai Berriotxoak karta baten eskatzen du eskoletarako liburuen saila sortzea. Santamaria ta Zatarain jaunei eskatzen zaie datorren batzarrerako nola osatu litekean batzorde bat beren iritziz aurkeztatu dezaten.

Bertsolari txapelketa batzorderako izendatu dira: Arrue, Zavala, Satrustegi, San Martin, Irigoyen, Artola, Diez de Ulzurrun, Zatarain eta Andrinua.

San Martin, Arregi eta Lasa-k firmatuta eskabide bat artu da euskaldunen alfabetizazio kanpaina bat egiteko. Lojendio, Mitxelena ta Erkiaga-k aldeko iritzia bialdu dute. Batzorderako San Martin, Aita Altuna, Lasa, Arregi ta Beobide izendatu dira.

Gernika-ko Ayuntamentuak eskatzen digu —erria sortu zaneke seigarren eunurteurrena aurten dala-ta— bertan egin dezagun Euskalerriko bertsolarien azken txapelketa nagusia. Erantzun bekie ontzat artzen degula eta bertsolari txapelketa batzordearen ardurapean uzten dala.

Zatarain-ek dio Euskaltzaindiak Donostiako apezpiku jaunari eskatu bear liokeala Katedralean kanonigoak kapitulu mezan euskera ere ontzat ar dezaten. Ala egin bedi.

Mitxelena-k Oñati-ko kale izenez prestatu duena irakurri da eta izenik izen artu da erabakia.

Euskaltzaindiak Irigaray jaunaren eskea oartu zuen. Hau da: «Euskal Akademiaren lan-gai propioak, eskualdeka, partitzeko eta bai bateratzeko (koordinatzeko), jadanik abiatuak (Antolojiak eta Eskoletako liburuxkak), eta bai egiteko direnak (Iztegiak, Gramatika, Onomastika, et.) herrialde bakoitzean Eragille bat izendatu zen. Gipuzkoarako, J. Antonio Loidi, Bizkaitarako, Jesus Oleaga, Nafarroako, Peru D. Ulzurrun jaunak. Laphurdi-aldeko Eragillea, hango euskalzain diran Dassance, Haritxelar, Lafitte eta Larzabal jaunek izendatuko dute. Izendapen horiek urte batendako egiten dira; hau da, 1966 urteko Abenduan berritzeko, edo ta aldatzeko hala behar ezkeroz».

Irigoyen-ek dio Bilbon erregutu diotela Euskaltzaindiak egin bear lukeala eskabidea bere izenean legearen azpian eskola bat, zortzi urte arterako aurrentzat, euskeraz ta erderaz, zabaltzeko. Badago prest ortarako Elcano kaleko seian, lenengo bizitza ezkeraldean, etxe bat. Dio eman dituela urrats batzuk ia Euskaltzaindiari emango lioteken baimenik jakiteko eta posibilitadeta ikusi duela, ahal dala Diputazioaren laguntzaz. Batzuk uste dute Euskaltzaindiak ezlukeala alako eskabiderik egin bear. Baiña Euskaltzaindiak egiten eypadu bestek ezta Bilbon zabaldu ahal izango. Botoetara jarri da eta onela atera da: zortzik bai, lau zuri.

Oi dan otoiwarekin asi eta bukatu da batzarrea.

*Euskaltzainburuordea*

L. DASSANCE

*Idazlariordea*

ALFONSO IRIGOYEN

Donostian, Diputazioan, 1966 otsaillaren 25-ean.

Bildu dira: Pierre Lafitte, buru, Arrue, Labayen, San Martin, Haritschelhar, Larzabal, Satrustegi, Lojendio, Irigaray eta Irigoyen euskaltzainiak. Oregi, Goenaga, Oleaga, Lasa, Olaizola, Goikoetxea jesuita, Zubikaray, Juan Garmendia, Elosegi, Barandiaran karmelita, Etxaniz, Loidi, Altuna, Artola laguntzailleak.